

**AWIG - AWIG
DESA PAKRAMAN
KARANGDADI**



**DESA KUSAMBA
KECAMATAN DAWAN
KABUPATEN KLUNGKUNG**

PIDAGING
MAKA BANTANG AWIG-AWIG
DESA ADAT KARANGDADI
MURDHA - CITTA

SARGA I ARAN LAN WEWIDANGAN
SARGA II PETITIS LAN PEMIKUKUH
SARGA III SUKERTA TATA PAKRAMAN

Palet 1 Indik Krama

Palet 2 Indik Prajuru Desa

Palet 3 Indik Kulkul

Palet 4 Indik Paruman

Palet 5 Indik Druwen Desa

Palet 6 Sukerta Pamitegep

Kaping 1 Karang, Tegal lan Carik

Kaping 2 Pepayonan

Kaping 3 Wewangunan

Kaping 4 Wewalungan

Kaping 5 Baya

Kaping 6 Penyanggra Desa

SARGA IV SUKERTA TATA AGAMA

Palet 1 Indik Dewa Yadnya

Palet 2 Indik Resi Yadnya

Palet 3 Indik Pitra Yadnya

Palet 4 Indik Manusia Yadnya

Palet 5 Indik Bhuta Yadnya

SARGA V SUKERTA TATA PAWONGAN

Palet 1 Indik Pawiwahan

Palet 2 Indik Nyapian

Palet 3 Indik Sentana

Palet 4 Indik Warisan

SARGA VI WICARA LAN PAMINDANDA

Palet 1 Indik Wicara

Palet 2 Indik Pamidanda

SARGA VII NGUWAH NGUWEHIN AWIG-AWIG

GA VIII P A M U P U T

MURDHA CITTA

OM AWIGNAM ASTU NAMO SIDDEM

Manut Perda Provinsi Daerah Tingkat I Bali, Nomor 06 Tahun 1986 saha putusing paseban krama Desa Adat karangdadi gumawe awig-awig maka sepat siku-siku pematut, utawi pamereh wastu kasidan prayojanam name kabeh, presama angidep muah amageh aken, kadi linging awig-awig iki.

SARGA I

ARAN LAN WEWIDANGAN DESA

Pawos 1

- (1) Desa puniki mewasta Desa Adat karangdadi
- (2) Jabar kakuwub wawidangan nia, mewasta nyatur luire:
 - ha. Sisi wetan: desa adat kusamba
 - na. Sisi Kulon : subak gunaksa
 - ca. Sisi Lor : subak gunaksa
 - ra. Sisi Kidul : selat badung
 - ka. Ring madya : wenten desa adat pesurungan
- (3) Desa puniki kewangun antuk karang desa utawi gebogan krama ,turmaning kepah dados a banjar
 - ha. Banjar karang dadi

SARGA II

PATITIS LAN PAMIKUKUH

Pawos 2

Desa puniki ngemanggehang pamikukuh minakadi:

- (1) Pancasila Dasar Negara Republik Indonesia.
- (2) Undang-Undang Dasar 1945 pamekas pasal 18.
- (3) Tri Hita Karana manut sada cara Agama Hindu.
- (4) Peraturan Pemerintah Provinsi Bali No. 6 th. 1986

Pawos 3

Luir petitis/tetujon Desa Karangdadi :

- (1) Mikukuhang miwah ngerajegang sanghyang Agama Hindu.
- (2) Nginggilang / nincapang tata prawertining Agama.
- (3) Ngerajegang kasukertan desa saha pawongan nia, sekala niskala.

SARGA III
SUKERTA TATA PAKRAMAN

Palet 1

Indik Krama

Pawos 4

- (1) Sane kebawos krama desa inggih punika kulewarga sane meagame Hindu, ngamong karang desa utawi jumenek ring sawewidangan desa ;
- (2) Sejaba punika sinanggeh tamiyu, sane kabinayang dados kalih inggih punika sane meagama hindu, miwah sewosan ring meagama hindu.

Pawos 5

Krama desa adat wenten 3 (tigang) soroh

1. krama ngarep, kulawarga sane wed utawi pengrawuh saking warga desa sewosan Sahe ajeg pawiwahane

2. krama tan ngarep, luwire:

ha. Salih sinunggil kulawarga sane tan ngarep ring Desa ring banjar taler tan marep

na. krama penyada , inggih punika krama sane sampun lepas ayah kagentos antuk sentananya.

Ca. krama penyade, inggih punika krama sane ngentos ayah krama ngarep Wiyadin tan ngarep tur sane kadadosang sekaa truna truni ring banjar.

3. krama balu , kulawarga ngarep utawi tan ngarep salah sinunggil lanang utawi Istrinelina , wiadin nyapian:

Krama balu inucap kabinayang dados:

Ha. Balu mekrambian , inggih punika balu sane maduwe sentana dereng merabian

na. balu ngelisting , inggih punika balu sane tanpe sentana

Pawos 6

1. Ngawit dados krama desa

ha. Sangkaning ngamong karang desa wiadin jenek ring desa

na. Mawiwit pawihan.

ca. Sangkaning ngerereh karya jenek ring Desa karangdadi, saha sampun ngaturang ilikita indik pakisahan.

Pawos 7

- Ha. Nyantos asasih pitung dina sesampun upacara widi widana (mesakapan).
- Ca. Sangkaning ngererh karya asasih sesampun naur penanjung batu.

Pawos 8

Sahanan krama desa sami keni tetegenan luire: peturunan, pepeson, ayahan

(1) Tetegenan krama ,luwire

Ha.krama ngarep,keni urunan miwah ayahan mamungkul,

Na.krama balu ,keni ayah manut kawonganya ;

1, balu ngelesting ,lanang utawi istri keni ayahan lanang utawi istri kawenten

2, balu makrambian ,lanang utawi istri sane maduwe sentana lanang utawi istri

sampun mayusa 17 (pitulas) warsa keni ayahan mamungkul.

Ca, krama pangele ,keni ayahan – ayahan ngeromba krama marep.

Pawos 9

(1) Krama desa kedadosang:

ha. Mapoangkid mapiteges ten tedun ngayah minakadi: ri kala mepewangun, nandur, metepetin , meleluasan.

na. Keni pinungkan/sakit.

ca. Kesudi olih sang ngawerat/pemerintah.

(2) Kedadosang nyada mekadi:

ha. Risapun kekalih okane lanang sampun merabian.

ca. Sampun mayusa 60 warsa.

(3) penyeledihi nyada wiadin nyusukin ayah risampune mayuse 17 (pitulas)warsa utawi sampun ngeranjing ring SMA (Sekolah Menengah Atas)

(4)Ngampel meteges ipun nutug ayah antuk arta brana makeduaning magenah ring dura desa.

Pawos 10

(1) Usan mekrama desa sangkaning :

ha. Seda.

na. Pinunas ngeraga.

ca. Kenorayang,duaning sampun tan presida ngesehin solah maprewerti setata mamurugkecaping awig- awig

(2) Sang usan mekrama desa sangkaning kanorayang:

ha. Patut muputang utang piutang ring desa.

ca. Tan polih pah-pahan ring desa.

(3) sang usan mekrama :

ha. Tan polih pahpahan druwen desa

na. tan polih pesayuban sejeroning ale ayu

Pawos 11

- 1) Desa Adat Karangdadi kaenter antuk Bendesa Adat utawi Kelian Desa Adat.
- 2) Banjar kaenter antuk Klian Banjar
- 3) Bendesa lan Klian Banjar patut :
 - Ha. Mawiwit saking krama pengarep .
 - Na. Kecatri/kepilih saking krama desa .
 - Ca. Tan nahenin keni pamidanda/hukuman saking guru wisesa.
 - Ra. Maduluran piuning ring pura desa.
 - Ka. Uning ring pangilikita.
 - Da. Kepilih / kecatri nangken 5 warse ,Sida kepilih malih yening kari kesungkemin olih krama desa,

Pawos 12

- (1) Bendesa utawi Kelian adat kesanggra antuk:
 - ha. Petajuh winaka wakil.
 - na. Penyarikan pinaka juru surat.
 - ca. Petengen pinaka pangemong druen desa (bendahara).
 - ra. Kasinoman pinaka juru arah.
 - ka. Prekangge/Bage luwirnyane :
 - Bage parahyangan
 - Bage palemahan
 - Bage pawongan
- (2) Prajuru lianan ring kelian desa ke adegang.
 - Ha. Mawit saking krama marep
 - Na. Kapilih kecatri antuk krama desa nangken 5 warsa
 - Ca. Sida kapilih malih yening kari kasungkemin krama desa.
 - Ra Tan nahenin keni pamidanda / hukuman saking guru wisesa.
 - Ka. Maduluran piuning ring pura desa
 - Da. Uning ring pangilikita
- (2) Sajeroning ngenterang sukertan niskala Bendesa misingihang pamangku khayangan Desa
- (3) Prajuru ngadengang panglingsir utawi pamucuk sinanggeh kerta desa ,sane mawit prajuru lepas ,sang wikan ring adat agama :adiri sinanggeh penua kesarengin juru surat sakeng penyarikan desa.

Pawos 13

(1) Swadarman prajuru desa luire:

- ha. Ngenterang sedaging awig-awig miwah perarem.
- na. Nuntun tur ngenterang krama desa, ngupati antuk patitis.
- ca. Mawosin kalih niwakang pamutus marep ring wicara krama desa.
- ra. Maka duta desa matemuang bawos ring sapisira ugi.

Pawos 14

(1) Petitis utawi olih-olihan prajuru desa luire:

- Ha. Luput pepeson.
- Na. . Patias seosan manut perarem.
- Ca. Prekangge luput pepeson miwah ayahan

(2) Ngadegang prajuru ngangge upacara pewintenan ngelantur mejaya-jaya.

(3) nganorayang ,ngewusang miwah ngentosin prajuru utawi dulu patut ring sejeroning paruman tur keingkupin antuk krama desa

Palet 2

Indik Prajuru Desa

Pawos 15

(1) Prajuru desa kagentosin riantuk:

- ha. Seda
- na. Kenorayang duaning nilar sesana.
- ca. Wit saking pekayun rahayu/pinunas ngeraga.
- ra. Sesampun kelokika perarem.
- ka. Megingsir genah utawi nilar desa.

(2) Yan wenten prajuru desa iwang penglaksana keni pamidanda nikel ring keiwangan krama saha keangkat kerarianang.

Palet 3 Indik Kulkul

Pawos 16

(1) Kulkul ring desa karangdadi luire:

- ha. Kulkul desa.
- na. Kulkul banjar .
- ca. Kulkul sekeha-sekeha.
- ra. Kulkul pondokan.

(2) Tabuh tetepakan kulkul desa.

ha. Atulud alon : tengeran ngayah.

na. Kalih tulud alon : pawiwahan.

ca. Tigang tulud alon : Padem.

(3) Tengeran pancabaya:

ha. A tulud bulus : jiwa baya

na. Kalih tulud bulus : arta baya.

ca. Tigang tulud bulus : toya baya.

ra. Petang tulud bulus : geni baya.

ka. Lima tulud bulus : kelindu baya

Pawos 17

(1) Kulkul desa tan wenang ketepak yening tan sangkaning pituduh prajuru desa, sejawaning tetenggeran kepanca baya.

(2) Sang nepak tan sangkaning pituduh patut di gelis atur upeksa indik penepake, yan tan asapunika sang mamurug ke danda manut perarem.

(3) Kulkul sekeha – sekeha tan wenang matehin kulkul desa, prade mamurug keni pemedanda manut perarem.

(4) Tatepakan kulkul sekeha – sekeha patut matehin tatepakan kulkul desa.

Palet 4

Indik Paruman

Pawos 18

(1) Paruman ring Desa Adat karangdadi wenten:

Ha. Paruman Prajuru utawi ulun desa ,kawentenang manut wiguna

Na. Paruman desa /banjar kawentenang.

1. Nyabran sasih nuju buda kliwon , maka cihna tampa arah – arah ,duwaning sampun tetep panemaya manut perarem.

2. Napkala maka jalaran arah – arah manut tetujuan

Ca. paruman sekha – sekha manut kebuatang

(2) Pemargin paruman prajuru wiadin desa sekadi ring sor puniki.

Ha. Persida lumaksana risampun katedunin antuk sang patut ngemiletin aparo langkung mejalaran antuk tetengeran kulkul saha abusana adat manut dresta miwah tan kalugra mikata gegawan (ingihan mabawos sane tan manut).

Na. Tan maren ngarcana bhagawan penyarikan maka sarana widi widana miwah care.

Ca. Makasarana janggi, pengawit kelaksanayang penyacak.

Da. Tan kalugra ngawetuang suara gora utawi biuta, yan wenten asapunika keni pamidanda bia pecamil manut perarem.

Ta. Krama desa sane pacang ngawentenang bebawos mangda nyantos pangendikan saking pangenter acara.

Sa. Pemutus bebawos beriuik sepanggul punika kemnaggehang.

(4) Prada pidaging paruman tan kaingkupin jantos ping tiga, prajuru desa ring paruman selanturnya wenang nibakang pemutus.

Pawos 19

(1) Sejeroning paruman desa, prajuru patut nyiarang pemargin ngenterang desa pemekas ngeninin indik:

- a. Munjuk lungsuring pakraman, saha ayah-ayahan sulur arta brana druen desa.
- b. Rencana prajuru ngeninin indik usaha desa kapungkur.

(2) Pemutus paruman desa sinanggeh perarem maka pamitegep pemargin awig-awig.

Pawos 20

(1) Sangkepen prajuru kepatutang wantah ngerincikang pangerencana usaha desa kapungkur.

(2) Sangkepan prajuru tan kepatutang ngawedalang tetengenan ring krama sedereng kaingkupin antuk krama desa.

(3) Pemutus paruman prajuru desa ngamedalang pasuara kaputusan (keputusan).

(4) Sangkepan sekeha-sekeha patut atur upeksa ring prajuru desa, mangda prasida tan lempas saking patitis.

Palet 5

Indik Druwen Desa

Pawos 21

Druen desa sekadi ring sor:

(1) Kahyangan desa luire: Pura Dalem lan pura prajapati ,Pura Puseh,Pura Desa,

(2) pelinggih pengayengan ida betara Gunung agung, Pelinggih catus pata ,pelinggih ring segara ,

Ha. Telajakan pesisir segara karang dadi, manut kawiguna ngelaksanayang upacara yadnya ,dewa yadnya , manusia yadnya ,lan buta yadnya

Na. Tanah setra, linggahipun ±are

(3) Lelanguan luire: Gong gede abarung, bleganjur.

(4) Piranti-piranti mekadi:

Ha. Pretima ring suwang – suwang pura desa ., Pura Dalem, Pura Puseh , Pura Desa

Pawos 22

Pioli-pioli desa luire:

- Ha. Urunan saking krama.
- Na. Pengampel saking krama
- Ca. Paica saking guru wisesa.
- Ra. Paica-paica sane tiosan sane patut.
- Ka. Punia/aturan saking sira ugi.
- Da. Usaha saking patut.

Pawos 23

- (1) Prajuru desa wenang ngetangang pamupon duen desa lan duwen desa sane lianan.
- (2) Pikoli lan pamupon keanggen prabea piodalan saha wewangunan di pura.
- (3) Nyabran sangkepan desa, dulu pengemong drue ngawentenang preindik nunjuk lungsuring padrue ring krama desa.
- (4) Saluir druen desa patut wenten ilikitanya.
- (5) Tan kalugra ngadol utawi ngesahang padruen desa yan tan kasungkemin antuk krama.

Palet 6

Sukertan pamitegep

Kaping 1

Karang Tegal lan Carik

Pawos 24

- (1) Krama desa patut ngewatesin karang parumahannya antuk pagehan utawi tembok penyengker.
- (2) Wates sisi kaler miwah kangin patut kekaryanin antuk sang ngamong karang ayahan inucap ,sane mawasta gegaleng keduluan ,sejawaning tanah pecatu ,tegal ,carik utawi tanah padruweyan ngeraga ,sane kapiare watase sisi klod miwah kauh ,reh punika mewasta gegaleng keteben.
- (3) Prade kerasayang pagehan/tembok inucap ngelikadin yan pade arsa penyandingnya kengin batase nganggen pinget kewanen keaksi antuk prajuru desa utawi precihna pal.
- (4) Prade wenten karang kebebeng mangda keutsahayang ten wenten marginnyane.

Pawos 25

(1) Sinalih tunggil krama desa tan kelugra:

Ha,ngalah – alah margi ,tegal ayahan desa,karang desa.

Na.ngalah – alah tanah tegak kahyangan ,Setra lan sekancan tegak sinanggeh suci.

(2) Prade wenten sekadi ring ajeng sang ngalah - alah wenang ngewaliang tanah inucap saha keni pamidanda manut perarem, kadulurin upakara ring pangalah - alah tanah suci.

Kaping 2

Pepayonan

Pawos 26

(1) Ngawit nandur pepayonan tanem tuwuh patut adepa agung ngajeroang saking batas, prade jantos ngeliwat batas wenang ka sepat gantungin.

(2) Yening wenten tetanduran ngungkulin semaliha ngewastu mayanin kepisaga patut ke wara antuk paiguman ping ajeng prasida sang neruwenang wit ngerebah utawi notor.

(3) Prade sampun kewara taler ten wenten usaha, sang neruwenang sang rumasa ketetehan / kajerihang wenang mesadok ring sang prajuru tur risampun ke paritatas prajuru patut mastikayang mangda notor tur patin pepayonan kedrue antuk desa.

(4) Sangkening pamidanda penyangaskara saha prabea manut perarem, manut ring wewangunan sang karubuhin luire:

ha. Sang neruwenang wit sinanggeh mayanin prade pungkut ngerubuhin wangunan tios.

na. Sang notor, munggul utawi ngerebah taru tur ngerubuhin wangunan tios.

(5) Krama desa patut ngemanggehang kawerdian tanem tuwuh sane ngawinang desane asri tur lestari.

Kaping 3

wewangunanan

Pawos 27

(1) Nyabran ngewangun patut:

Ha. Mesadok ring kelian desa/prajuru ring ajeng wewangunan ngeninin wates.

Na. Ngangge asta gumi miwah geguluk asta kosala kosali sanistane manut ring patitis niskala.

Ca.tan nyayubinkepisaga

Ra.tan dados ngembahang toye kepisaga.

- 2) Prade wewangunane jantos nyayubin napi malih temboke ring telenging wates risampun keware tur sampun kesadokang ring prajuru wenang kedanda manut perarem, saha tembok inucap kegambar utawi senistane mangda ke karyanang abangan.

Kaping 4

wewalungan

Pawos 28

- (1) Sehanan krama sane miara wewalungan, patut sayaga nitenin negul wiadin ngelogor mangda tan ngarusuhin karang utawi pabianan karang krama sewos, napi malih nyantos ngranjing ngeletihin kayangan.
- (2) Prade wenten wewalungan malumbar utawi ngeleb ngerusuhin pekarangan/pabianan krama tios risampun keware kengin ketaban tur kedanda ngewaliang wit sane karusak, saha naur penebus pepiaraan tetaban anut pengelokika kelian desa, mesengker tigang raina, petang raina kadol.
- (3) Prade jantos ngeletihin tegal suci, risampun keparitatas antuk kelian desa wenang sang nruwenang kedanda tur ngewentenang pamarisuda mabuhu agung tetebasan prayascita, durmanggala, utawi caru manca sata. iwk belang kalung, prade jantos ngeletihin kahyangan tiga utawi pura pemaksan.
- (4) Krama desa patut nyerayanin wewalungan miwah sarwa prani, tan kepatutang maboros paksi miwah nuba ulam lan siosan punika

Kaping 5

B h a y a

Pawos 29

Para indik baya luire:

- (1) Jiwa bhaya, arta bhaya (kepandung), lindu bhaya, geni bhaya, toya baya, ripu baya, dura cara ring agama.
- (2) Sang manggihin bhaya patut nepak kulkul bulus mapitulung.
- (3) Prade ring palemahan desa kehanan jiwa bhaya patut desane ngawentenang bhuta yadnya tur sang mayanin katur ring sang ngawe wenang.
- (4) prade wenten jadma mamisuh utawi nguman – uman jadma tios, kakeninin pamidanda beya pecamil tetebasan pemrayastista.

Pawos 30

- (1) Sang memangihin arta bhaya/kemalingan patut ngulkul bulus mapitulung.

- 2) Prade wewangunane jantos nyayubin napi malih temboke ring telenging wates risampun keware tur sampun kesadokang ring prajuru wenang kedanda manut perarem, saha tembok inucap kegubar utawi senistane mangda ke karyanang abangan.

Kaping 4

wewalungan

Pawos 28

- (1) Sehanan krama sane miara wewalungan, patut sayaga nitenin negul wiadin ngelogor mangda tan ngarusuhin karang utawi pabianan karang krama sewos, napi malih nyantos ngranjing ngeletihin kayangan.
- (2) Prade wenten wewalungan malubar utawi ngeleb ngerusuhin pekarangan/pabianan krama tios risampun keware kengin ketaban tur kedanda ngewaliang wit sane karusak, saha naur penebus pepiaraan tetaban anut pengelokika kelian desa, mesengker tigang raina, petang raina kadol.
- (3) Prade jantos ngeletihin tegal suci, risampun keparitatas antuk kelian desa wenang sang nruwenang kedanda tur ngewentenang pamarisuda mabuhu agung tetebasan prayascita ,durmanggala . utawi caru manca sata.iwk belang kalung ,prade jantos ngeletehin kahyangan tiga utawi pura pemaksan.
- (4) Krama desa patut nyerayanin wewalungan miwah sarwa prani ,tan kepatutang maboros paksi miwah nuba ulam lan siosan punika

Kaping 5

B h a y a

Pawos 29

Para indik baya luire:

- (1) Jiwa bhaya, arta bhaya (kepandung), lindu bhaya, geni bhaya, toya baya, ripu baya , dura cara ring agama.
- (2) Sang manggihin bhaya patut nepak kulkul bulus mapitulung.
- (3) Prade ring palemahan desa kehanan jiwa bhaya patut desane ngawentenang bhuta yadnya tur sang mayanin katur ring sang ngawe wenang .
- (4) prade wenten jadma mamisuh utawi nguman – uman jadma tios ,kakeninin pamidanda beya pecamil tetebasan pemrayastista.

Pawos 30

- (1) Sang memanggihin arta bhaya/kemalingan patut ngulkul bulus mapitulung.

- 2) Pratingkahing mepailon ring dusta kebawos saruron (kerjasama), prade wenten jadma nyaduang patut kedanda dadi dandaning maling sane kehnyane manut perarem, tur prade jantos ping tiga (3) ngelaksanayang asapunika wenang kasukserahang ring sang ngawiwenang.
- 3) Prade wenten jadma ngerereh reramon minakadi daun kelapa, ron, miwah sane tiyosan tan mesadok ring sang neruwenang ,prade kacunduk / ketara patut kedanda kadi dandaning maling, keh nyane manut perarem.
- 4) Yening wenten jadma ngeranjingin pakubon / pekarangan rikala suung (nyalah masa) mewastu sang madrue karang kaicalan wenang jadma inucap ketuwekang antuk medewa saksi ring Pura Desa.
- 5) mangda tan ketuwekang manut ring ajeng, asing-asing ngeranjingin pakubon tios patut:
 - Ha . Matengeran suara (makaukan)
 - Na . Nyantos sang neruwenang karang rawuh nampek indik kabuatan.
 - Ca . Pamedal karangnya kedagingin sawen macihna pengarah rikala suung.

Kapin 6
Penyanggra Desa
Pawos 31

Prade wenten sinalih tunggil krama desa ngawentenang karya suka duka patut kesanggra olih desa, manut pinunas sang madue karya.

SARGA IV
SUKERTA TATA AGAMA

Palet 1
Indik Dewa Yadnya
Pawos 32

- 1) Pelinggih penyiwihan desa luire: Pura Desa, Pura Puseh, Pura Dalem,
- 2) Raina odalan soang-soang kahyangan inicap sekadi ring sor:
 - ha. Pura Desa rikala Buda Kliwon Pahang .
 - na. Pura Puseh rikale sukra paing dungulan
 - ca. Pura Dalem rikale anggara kasih dukut
- 3) Pengaci ring sowang-sowang pura inucap manut ring kecap sastra agama saha kelaksanayang nista, madya, utama manut perarem. lan kawentenannya keenter antuk pemangku keanutin antuk krama desa.

Pawos 33

- (1) Ring soang-soang pura patut ngadegang pemangku.
- (2) Ngadegang pemangku manut dudonan:
 - ha. Ngewarisin turunan.
 - na. Nyanjan utawi mesemurang ring ajeng penataran.
 - ca. Kecatri utawi kepilih olih krama.
- (3) Tan kawenangang anggen pemangku luire:
 - Ha. Cedangga.
 - Na . Sane maderbe kesucian urip tan becik.
- (4) Prabea kepemangkuan:
 - Ha. Adiksa widi (ngawintenin) kemadalin saha kelaksanayang olih sane ngadegang (krama desa) manut kasidan rangkep rauhing busana.
 - Na. Mapitra yadnya riwekas patut kasungkemin antuk krama desa, sanistane brahma prayascita (mesimpen di geni).

Pawos 34

Swadarma pemangku

- (1) Ngenterang upacara ring kahyangan desa utawi ring sowing-sowang pekubon krama manut panguleman.
- (2) Tan wenang salah sulub, yan mamurug wenang mangku inucap nyepuhin raga, saha prebea ipun kemedalin olih pemangku inucap.
- (3) Prade salah sinunggil mangku kapialang/cuntaka kengin nyelang mangku sewosan utawi nuur sang sulinggih.
- (4) Semaliha yan sampun pemangku ngayah tigang rahina ring pura (mungguh ambu) kancit wenten keluargania kepadaman mangku inucap tan keni cuntaka sahe wentene mangku tan budal salami piodalan.

Pawos 35

Petias utawi olih-olihan pemangku luire:

- (1) Pemargine ring soang-soang pakubon krama sesari sami katiba ring pemangku.
- (2) Patias sane linanan manut perarem.
- (3) Luput pekaryanan lan luput pepeson

Pawos 36

- 1) Pemangku kagentosin riantukan: seda, pinunas ngeraga, kawusanang antuk krama menawi melaksana sane tan patut (asta dusta)
- 2) Prade mangku keusanang sangkaning nilar sesana keni pamidana manut perarem, saha ngewaliang prabea pawintenan pecak (ane malu).
- 3) Pemangku patut ngerihinang muput ring wewidangan desa sesampune wau kedura desa.

Pawos 37

Indik Kasukertan Kahyangan

- 1) Tan kelugra ngeranjing ring pura mekadi:
 - ha. Sang ketiben catur cuntaka luire:
 - Sebel kandel ngeraja sewala.
 - Sebel medue putra.
 - Sebel pengantenan.
 - Sangkaning kepademan/kelayu sekar
 - Na . Makta sahaning barang sinanggeh ngeletehin.
 - Ca . Sato agung sajawining rikala mepepada.
 - Ra . Mabusana tan manut mekadi tata caraning ngeranjing ke pura.
 - Ka . Sedereng polih uwak-uwakan utawi petuduh saking prajuru.
- 2) Pretingkahe tan wenang ring pura:
 - H a. Mesumpah (cor) sejawaning pituduh prajuru/kelian desa.
 - Na. Mekobetan, mesesenengan, mekolem dados asiki lanang wadon, mebacin/ngewarih, nyangsang busana.
 - Ca . Mungguh tedun pelinggih wewangunan sejawaning petuduh prajuru, upami rikala mebersih utawi masang luhur.
- 3) Sang mamurug kecape ring ajeng keni pamidanda pamarascita sepatutnya manut drestha.

Pawos 38

- (1) Yan wenten jadm kerauhan ring pura kengin kepintonin antuk prajuru prade rumaksa kesumiang sayan, yan tan wiakti jadm inucap kasisipan manut perarem.
- (2) Prade kahyangan kehanan durmenggala minakadi ke panca baya pemangku patut nyadokang digelis ring kelian desa mangda marumang krama desa tur ngawentenang pangupakara pamrayascita.

Palet 2

Indik Rsi Yadnya

Pawos 39

- (1) Sang pacang madeg pandita utawi pinandita minakadi, balian, sonteng, kubayan, dalang, sekeluiring jagi ngenterang yadnya patut masadok ring prajuru/kelian desa kalih parisadha Hindu Dharma miwah ring sang ngawiwenang.
- (2) Prajuru desa patut ngawas nitenin tur wenang ngalangin prade wenten kecihnan nyasar ri kecap miwah dresta inggihan uger-uger ring parisada tur sareng nyaksinin, upakara/upacara saha nyiarang ring paruman desa tegap rauhing wates kawenangan muput yadnya, prade nepek manut sastra miwah dresta.

Palet 3

Indik Pitra yadnya

Pawos 40

- (1) Pemargin pitra yadnya dudonan manut ring sor:
Ha . Pengupakaran sang kelayu sekar:
 - Antuk mendem utawi ngeseng, makecihna mekingsan ring ibu pertiwi, ring bethara brahma, salami nuptupang prabea.
 - Upakara-upakara pitrayadnya riusan keabenang mewasta munggah daun bingin (ngeroras) wau kelaksanayang pengingkup ring pelinggihan sane sampun kecawisang.
- (2) Swadarmaning lan tetegenan ri pade sinalih tunggil krama kelayu sekar.
Ha . Sang kaduhkitan patut:
Nyadokang ring kelian desa tur nunas tetimbangan ring kawentenannya,
Tur guningang indik upakarane.
Na . Swadarmaning kelian desa/prajuru patut:
 - Maritatas pemargine sang kaduhkitan mekadi indik pemargin upakara.
 - Risampune uning idik pemarginnyane prajuru nguningang majeng ring krama sami .yan mependem raris kewentenang kulkul patahu antuk klian banjar.
- Ca, swadarmaning krama desa
 - 1,soang –soang krama desa nedunang patus manut pararem
 - 2,ngaryanin eteh – eteh sawa
 - 3,sami krama desa nganter ke setra jantos pamendem puput ,
 - 4,tan kengin ngelelet langkung ring 7 (pitung)rahina ,tur patut polih gebagan
anut nepegan prajuru

Palet 4
Indik Manusa Yadnya
Pawos 42

- 1) Manusa yadnya inggih punika:
Upacara – upacara darmaning manusa saking patemoning kama bang miwah kama petak sajeroning garba, nyantos kelayu sekar (padem).
- 2) Upakara ring ajeng madudonan sekadi:
 - na. Magedong-gedongan/pengerimpian ibiang.
 - na. Wau rarene embas.
 - ca. Kepus odel.
 - ra. Roras raina.
 - ka. Tutug kambuan (42 raine).
 - da. Tigang sasih.
 - la. Pawetuan (6 sasih).
 - sa. Ngempugin (tumbuh gigi)
 - wa. Tanggal gigi (maketus).
 - la. Matepung karna / ninggah munyi.
 - ma. Tutug kelih, ngeraja sewala sane wadon, ngembak-ngembak sane lanang.
 - ga. Metetatah / mepandes.
 - ba. Mawiwaha.
 - nga. Mawinten.
- 3) Upacara-upacara inucap, nista madya utama manut sastra agama lan drestha.

Palet 5
Indik Butha Yadnya
Pawos 43

- 1) Butha yadnya inggih punika: upacara-upacara pabyakala ring pertiwi lan kahyangan, sarwa prani saha upacara-upacara ring bebutan.
- 2) Upacara pabyakala ring sarwa prani luire:
 - na. Ring sarwa tumuwuh rikala tumpek pengantag.
 - na. Ring sarwa ingon-ingon rikala tumpek kandang/uye.
 - ca. Upacara pakala-kala manusa anut wiguna kebawos kebyakala
- 3) Upacara pabyakala ring pertiwi, kahyangan, lan bebutan kewastanin "mecaru".
- 4) Pecaruan inucap ring ajeng nista, madya, utama ,anut wiguna lan dresta kadi ring sor.
 - na. Eka sata.
 - Na. Panca sata
 - ca. Rsi gana.
 - ra. Panca sanak.
 - ka. Panca kelud.
 - da. Tawur agung.
- 5) Sejawining kadi ring ajeng kawentenang upakara upacara:
 - Ha. Mejut-jotan utawi yadnya sesa nyabran usan ngerateng.
 - Na. Mesapuh-sapuh rikala pacang wali ring pura.

Pawos 44

- 1) Naken kewarse rikala sasih keenem kewentenang caru manca sata ring catus pata maka china pamarisuda Desa .
- 2) Nangken kewarsa rikala tilem kesanga kewentenang tahur kesanga manut drestha, tur risampune sandi kala kelanturang antuk ngerupuk, makecihna pacang mapag raia penyepian bejangne.
- 3) Brata penyepian sane kemargiang antuk krama desa:
 - Ha. Amati geni, tan kengin mapi – mapi.
 - Na. Amati karya, tan kengin nyambut karya.

- Ca. Amati lelungan, tang kengin maoneng-onengan, masoara gora lan sepenunggilannya.
- Ra. Amati lelungan, tan kengin meleluasan patut meneng ring jero soang-soang.
- 4) Pebratan inucap kemargiang saking semeng ngantos benjangne semeng endag surya, raris kasuarayang kulkul pinaka cihna pengembak geni.
- 5) Sang mamurug kecaping ajeng keni pamidanda manut perarem, sane kemargiang antuk patelik/pecalang desa.
- 6) Riusan raina nyepi mekecihna ngembak geni sowang-sowang krama desa sami ngaksama melarapan antuk dharma santi.

**SARGA V
SUKERTA TATA PAWONGAN**

**Palet 1
Indik Pawiwahan
Pawos 45**

- (1) Pawiwahan inggih punika patemoning purusa predana melarapan panunggalan kayun suka cita kadulurin upasaksi sekala niskala.
- (2) Pemargine pawiwahan luire.
- Ha. Memadik kamenggala antuk pakraman.
- Na. Ngerorod, merangkat riin wau pekurnayang.
- (3) Pidabdab sang pacang mawiwaha patut:
- Ha. Sampun menggeh dee-truna (persida nganutin undang-undang
- Na. Sangkaning padarena (tan gamya gamana) lan senunggal ipun.
- Ca. Kesudi wadani prade pengambil tios agama miwah kepatiwangi prade ngambil triwangsa.
- (4) Pemargin pawiwahan mangda taler nganutin pemargin udang-undang perkawinan no. 1 tahun 1974

Pawos 46

- (1) Pawiwahan sane kepatutang ring desa sekadi ring sor:
- ha. Sampun kemargiang pabiakala saha widi widana kesinaksiang sekala niskala antuk sulinggih utawi pinandita.
- na. Wenten pesaksi prajuru utawi kelian desa, sane mapekelingan utawi ngilikitayang pawiwahan.
- ca. Sampun metengeran suara kulkul.
- (2) Perabian sane tan anut sekadi ring ajeng sinanggeh tan patut (tan sah).

Pawos 47

Tata caraning perabian patut sekadi ring sor:

- (1) Sapasira ugi pacang ngewarangin pakulawargab patut mesadok ring kelian desa maritatas manut tan manut perabiane.
- (2) Pemargine pepadikane anut dudonan:
- ha. Pakurenan jantos pang tiga:
- Canag pengeraos lan seruntutan ipun.

- . Kaping kalih antuk bantal alem, kebaos pamuput kepadikan.
 - . Risampun pragat raris sang istri ke iring budal ring pakubon sang lanang saha kelanturang antuk pabiakala miwah widi widana.
- na. Mangda puput putus ring sekala niskala raris kulawarga purusa makta pejati ring merajan wadone tur keranjingang (kasukang) ring merajan lanange.
- (3) Prade ngerorod utawi merangkat:
- ha. Saking purusa patut ngawentenang pejati antuk duta sakirangnya kalih diri tur makta cihna lobakan.
- na. Pegenahan antene tan kengin ring pakubon sang lanang sedereng mabiakala.
- ca. Sajeroning pakrunan patut:
- Kamenggala antuk geng sinampura marep ring kulawarga pradana.
 - Kigumang bawos idih pakidih utawi palegayan arep ring pasewakan sang ngidih saha dewasa pekerab kambeane wekas.
 - Kecihnayang indik ke purusa utawi prade sentana rajeg kajejerang kepatut ngidih anak lanang sane kebaos pawiwahan nyeburin tur risampun sulur pemerasan ketegepin kemanggehang sentana nyeburin.
- ra. Prade pejatine tan keterima jantos ping tiga pekurenan kemargiang sekadi patut.
- (4) Pakerab kambean mapiteges pupating upakara mapikurnan, duaning manut kadi ring sor:
- ha. Sajeroning ambe, kelaksanayang niskala antuk mejauman miwah pewidi widana.
- Jejauman pinaka ngadungang kayun sowing-sowang pakula wargan wadone.
 - Widi widana pinaka pejati niskala, nunas wadone ring pamerajan kemulan.
- na. Sajeroning mawos kerab:
- Antuk penyaksi krama desa duaning kekerabian antuk tetengeran kulkul.
 - Pamekas penyaksi kelian desa saha ngilikitayang.

Palet 2
Indik Nyapian
Pawos 48

- (1) Pawiwahan presida kausanang melarapan antuk palas perabian utawi kepademan.
- (2) Usan mapikurenan riantukan salah sinunggil seda mapiteges balu, mekadi balu lanang wiadin istri.
- (3) Palas perabian wantah kalih pawos, inggih punika sangkaning pada lila miwah mawiwit wicara (muyutan).
- (4) Sang ayat palas merabian patut atur upeksa ring kelian desa tur muputang saluir swadarmane ring desa, tur sampune polih pailikita ring sang rumawos (Pengadilan Negeri) wastu tingglas apadang pamutuse kebaos nyapian wau kelian desa nyiarang kewentenannya ring desa.

(5) Sang ngaku palas merabian sedurung nyerahang ilikita saking pengadilan manggeh keni swadarmaning krama desa.

Pawos 49

- (1) Tata cara palas merabian sekadi ring sor:
ha. Nuur prabea pesaksi sinalih tunggil sami metengeha.
na. Paguna kaya polih pahan pada.
ca. Pebekel tadtadan sowing-sowang kekuasa niri-niri muah warisan kekuasa antuk purusa.
ra. Ngaweruhin miwah ngupajiwa preti sentana manut swadarmaning purusa.
ka. Naur pamidanda, penumbras kulkul manut perarem.

Pawos 50

- (1) Prade riwekas sang palas kacihnan adung malih patut:
ha. Ngelaksanayang pawiwahan malih.
na. Kedanda nikel saking palase, yadiastun wit palase pecak sangkaning pada lila.

Pawos 51

- (1) Sang balu kabinayang dados tatiga:
ha. Balu luh wit sentana (wit sentana rajeg) miwah balu luh boya sentana.
na. Balu muani kepurusan (wit sentana) miwah balu muani nyeburin (baya sentana).
ca. Balu luh sane sampun muali ked aha.
(2) Swadarmaning balu inucap patut:
ha. Ngemanggehang pati brata sane istri satyaning rabi sane lanang tan kengin ngemargiang paradara drati krama.
na. Sang balu istri patut muponin paguna kaya tan dados ngadol, ngadeang, makidiang lan seosan punika sejawining polih uwak-uwakan saking pianak utawi kulawarga pinih tampek saking kurnannya prade pianaknya kantong alit.
ca. Kengin ngidih sentana prade wenten pidabdab sedurung sinalih tunggil padem, saha polih uwak-uwakan antuk keluarga sinanggeh ke purusa.
ra. Prade sang balu istri mawiwaha malih swardmane kadi aksara (b) ring ajeng ical.

Pawos 52

- (1) Balu kaucap tan pageh ring ajeng:
ha. Drati krama utawi paradara.
na. Matilar saking pakubon tan pesadok jantos enem sasih.
ca. Lepas ring swadarma sewos-sewosan, tan presida ngesehin salah maprewerti arep ring pituduh kulawarga purusa.

Pale 3

Indik Sentana

Pawos 53

- (1) Sentana wenten kalih pawos, sane kaucap prati sentana, miwah sentana peperasan.
(2) Prati sentana inggih punika, sentana sane metu saking pawiwahan kepatut.
(3) Prade pawiwahane ten kepatut ngewetuang sentana, mangda tan kantong kewastanin bebinjat utawi astra yohya ka menggala antuk penyangaskara.
(4) Prade pawiwahane tan ngawetuang sentana, kengin ngidih sentana antuk upasaksi niskala sane kewastanin sentana peperasan.
(5) Sentana peperasan patut polih pangingkup bawos (persetujuan) kulawarga purusa utawi tunggalan dadia.
(6) Sentana rajeg inggih punika: prati sentana wadon (predana) sane ngemanggehang lanang (purusa), sesampune upacara putrika, tur risampune ngelaksanayang pawiwahan nyeburin (kidiang anak muani).

- (2) Prade tan wenten sekadi ring ajeng, sang sinanggeh ahli waris:
ha. Turunan purusa pernah ngunggahang, krama lanang, pokok selantur ipun rerama, misan, mindon.
na. Turunan purusa pernah kesamping mekadi ponakan miwah mindon.

Pawos 58

- (1) Swadarmaning ahli waris:
ha. Nerima saha ngewasayang tetamian pahan saking keluhurannia, mekadi ngerempon sanggah, Pura saha pangupakarnia, mwah nyelidihinin ayah-ayahan pewaris.
na. Ngabenang pewaris saha ngelanturang upakara-upakara pitra.
ca. Nawurin utang-utang pewaris sane manut pengelokita

Pawos 59

- (1) Pangepahan warisan manut sekadi ring sor:
ha. Risampun kelaksanayang pitra yadnya lan hutang – hutang pewaris buntar ketawur.
na. Para ahli waris polih pahan pada sangkaning paguna kaya.
ca. Sinalih tunggil ahli waris kengin tan polih pahan prade:
- Nilar kawitan lan sesananing agama.
- Alpaka guru rupaka sesampun wenten bisama.
- Sentana rajeg kesah mawiwaha utawi prati sentana nyeburin, sowang-sowang ke bawos ninggal ke daton.
(2) Boya ahli waris kengin muponin hasil anut dudonan luire: sentana luh, salami dereng kesah mawiwaha.
(3) Pewaris kengin meweweh rikala maurip pinaka jiwa dana, tadtadan/bekel, makacihna paweweh tetep ring pianake sane kesah mawiwaha.

Pawos 60

- (1) Prade sejeroning pakulawargan wenten ahli waris langkungan ring adiri patut:
ha. Kawentenang paigum indik pedum waris inucap.
na. Yen ten wenten presida ketunasang tetimbangan ring dulu-dulu (kerta desa).
ca. Prade taler ten wenten cumpu ring penetas kerta desa, kengin ketunasang ring sang rumawos (Pengadilan Negeri).
(2) Prade karang inucap keputungan, patut kadrue olih desa.

SARGA VI
WICARA LAN PAMIDANDA

Palet 1
Indik Wicara
Pawos 61

- (1) Sang wenang mawosin mekadi mutusing wicara ring desa inggih punika prajuru desa sinanggeh kerta desa.
(2) Prade sang mawicara tan wenten cumpu ring pemutus kerta desa, kengin nunasang wicara inucap ring sang rumawos (Pengadilan Negeri).

Pawos 62

- (1) Sahanan wicara mawiwit kecorahan saha luire sinanggeh nungkasin daging awig-awig pasuara miwah perarem desa/banjar, prajuru patut digelis mawosin tan nyantos pesadok.
(2) Sejaba wicara kadi ajeng patut nyantosang pesadok sang nunas bawos.
(3) Panepase patut pastika nyantenang iwang patut melarapan tri premana (saksi ilikita, bukti) miwah tan maren nepek ring catur drestha.

Palet 2
Indik Pamidanda
Pawos 63

- (1) Kelian desa wenang niwakang pamidanda ring krama desa sane sisip.
- (2) Peniwak inucap kelaksanayang manut tri premana.
- (3) Bacakan pamidanda luire:
 - ha. Ayahan panukun kesisipan.
 - na. Denda arta (desa, danda saha panikel-nikelnya miwah nikel urunan).
 - ca. Rerampagan.
 - ra. Kesepekang.
 - ka. Penyakaskara.
- (4) Jinah utawi raja brana pamidanda ngeranjing dados drue desa.

Pawos 64

- (1) Krama sane langkung ring tigang paruman ngelantur tan nawur urunan miwah dedandan wenang kerampag, utawi kelelang.
- (2) Rerampagan ngangge tata cara sekadi ring sor:
 - ha. Kelaksanayang antuk prajuru kesarengin antuk sekane tigang diri maka saksi.
 - na. Sang ngerampag sangkaning darsana ngambil barang utawi nyawenin tanem tuwuh, akehnya manut ring utang sang kerampag.
 - ca. Prajuru miteketang mangda barang-barang sane kerampag digelis ketebus, masenger suku ring kutus rahina pacang ke adol.
 - ra. Tan ngeninin saluir barang sane patut inggilang manut agama miwah mademang pangupa jiwa sang kerampag.

Pawos 65

- (1) Prade sang pacang kerampag ngewara (mialangin) paridabdab inucap mewastu sampun tan nganutin awig-awig desa wenang kesepekang (hukuman bathin).
- (2) Pamidanda inucap adeng keni buntas risampun sang kekeninin:
 - ha. Nunas geng sinampura ring krama riantukan nguak pasubaya (kerarem) pecak.
 - na. Nawur pengargan panguak pasubayan kadulurin pepayascita penyapsap keiwangan ring desa.

SARGA VII
NGUWAH-NGUWEHIN AWIG-AWIG

Pawos 66

- (1) Nguwah-nguwehin awig-awig desa punika kemargiang antuk paruman desa.
- (2) Paruman inucap mangda kseungkemin antuk pekarsan krama desa.
- (3) Pidaging nguwah-nguwehin melarapan antuk segilik-seguluk, selulung sebayantaka.

SARGA VIII
PAMUPUT

Pawos 67

- (1) Sakeluwiring sane wenten sederengnia patut keanutang ring sedaging awig-awig puniki.
- (2) Sakeluwiring sane durung kebaos sajeroning awig-awig puniki, patut kelaksanayang manut tatacara sane sampun ketah memargi, kadulurin antuk perarem-perarem.

Pawos 68

- (1) Awig-awig puniki kararemin duk : wuku
- (2) Awig-awig puniki kemargiang ngawit kararemin /kaingkupin.
- (3) Awig-awig puniki kalingga tanganin antuk:

Luir sang ngelingga tanganin

1. Bendesa / klian adat karangdadi

2. Kelihan Banjar

I KETUT SUKERTA

I KETUT SUBAGIASA

3. Kepala Dusun

4. Kepala Desa

I WAYAN PANDE WIDIARTA

I KETUT WINASTRA

BUPATI / WALI KOTA
Maka murdha Pamikukuh

I NYOMAN SUWIRTA